



სატენდერო დოკუმენტაცია

სსიპ - საქართველოს კომუნიკაციების ეროვნული კომისია (ქ. თბილისი, ქ.წამებულის გამზირი/ზოჭორმის ქ.50/18) აცხადებს ელექტრონულ ტენდერს საკონსულტაციო მომსახურების შესყიდვაზე- 800/900/1800/2100/2600 მჰც დიაპაზონებში არსებული სიხშირული რესურსის შეფასება/დირეზულების განსაზღვრა

სარჩევი

ტერმინების განმარტება	3
თავი II- ზოგადი ინფორმაცია	5
თავი III - ტექნიკური დავალება (საკონსულტაციო მომსახურება -800/900/1800/2100/2600 მჰც დიაპაზონებში არსებული სიხშირული რესურსის შეფასება/ღირებულების განსაზღვრა).....	6
1. ტექნიკური დავალების ზოგადი მოთხოვნები	6
2. ტექნიკური დავალების სპეციფიური მოთხოვნები	6
3. ტექნიკური დავალების შედეგები	7
4. პროექტის ვადები	8
5. მომსახურების გაწევის ადგილი	8
6. ინფორმაციის მიწოდება და კონფიდენციალურობა	8
7. სატენდერო ფასი, შეთავაზება.....	9
თავი IV- ელექტრონულ ტენდერში მონაწილისადმი წაყენებული მინიმალური მოთხოვნები	9
1. საკვალიფიკაციო მოთხოვნები.....	9
2. ექსპერტები	9
3. ელექტრონულ ტენდერში მონაწილის მიერ წარმოსადგენი ტექნიკური დოკუმენტაცია.....	10
დანართი 1.....	11

ტერმინების განმარტება

- “800 მჰც დიაპაზონი”- 791-821მჰც და 832-862 მჰც სიხშირული რესურსი
- “900 მჰც დიაპაზონი”- 880-915 მჰც და 925-960 მჰც სიხშირული რესურსი
- “1800 მჰც დიაპაზონი”- 1710-1785 მჰც და 1805-1880 მჰც სიხშირული რესურსი
- “2100 მჰც დიაპაზონი”- 1920-1980 მჰც და 2110-2170 MHz მჰც სიხშირული რესურსი
- “2600 მჰც დიაპაზონი”- დაწყვილებული 2500-2570 მჰც და 2620-2690 მჰც სიხშირული რესურსი და დაუწყვილებელი 2570-2620 მჰც სიხშირული რესურსი

I. ინსტრუქცია ტენდერში მონაწილეობისთვის

1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონულ სისტემაში (შემდგომში - სისტემა);
2. სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად. (http://procurement.gov.ge/files/_data/geo/publication/e-tenders_guideline_v2.0.pdf);
3. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი; (დახმარებისათვის, გთხოვთ მიმართოთ თქვენს ქვეყანაში არსებულ საქართველოს წარმომადგენლობას http://www.mfa.gov.ge/index.php?lang_id=ENG&sec_id=38);
4. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედიდან შემოსული უნდა იყოს უფლებამოსილი პირის მიერ;
5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად;
6. პრეტენდენტს არ აქვს უფლება წარმოადგინოს ალტერნატიული სატენდერო წინადადება;
7. წინსწრებით ანგარიშსწორება არ განიხილება;
8. სატენდერო წინადადების ღირებულება უნდა მოიცავდეს ამ ტენდერით გათვალისწინებული მომსახურების სრულყოფილად გაწევასთან დაკავშირებულ პრეტენდენტის ყველა ხარჯს, დღგ-ს გარეშე. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას; საქართველოს კანონმდებლობით გათვალისწინებული გადასახადების სახელმწიფო ბიუჯეტში გადახდას უზრუნველყოფს შემსყიდველი;
9. ამ ელექტრონული ტენდერის შედეგად დადებული ხელშეკრულებით გათვალისწინებული ანგარიშსწორება მოხდება საქართველოს კომუნიკაციების ეროვნული კომისიის ბიუჯეტიდან. ხელშეკრულების ჯამურ ღირებულებაში გათვალისწინებული იქნება გამარჯვებული პრეტენდენტის მიერ წარმოდგენილი სატენდერო წინადადების ფასი და ამ ფასს დამატებული საქართველოს კანონმდებლობით გათვალისწინებული გადასახადები, რომლის გადახდასაც უზრუნველყოფს შემსყიდველი;
10. გამარჯვებული პრეტენდენტი ვალდებულია ხელშეკრულების გაფორმებამდე წარმოადგინოს სახელმწიფო შესყიდვის ხელშეკრულების შესრულების უზრუნველყოფის გარანტია, სახელშეკრულებო ღირებულების 2%-ის ოდენობაზე, რომლის მოქმედების ვადა 2 კვირით უნდა აღემატებოდეს სახელმწიფო შესყიდვის შესახებ ხელშეკრულებას;

11. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, ქ.წამებულის გამზ./ბოჭორმის ქ. 50/18, მე-4 სართული ოთახი №4, ქეთი რეხვიაშვილი +995322394995 ელ.ფოსტა krekviashvili@gncc.ge გრიგოლ სულუხია ტელ: +995322399669, ელ.ფოსტა: gsulukhia@gncc.ge

თავი II- ზოგადი ინფორმაცია

საქართველოს კომუნიკაციების ეროვნული კომისია (შემდგომში „კომისია“) წარმოადგენს საჯარო სამართლის იურიდიულ პირს, რომელიც ახორციელებს ელექტრონული კომუნიკაციებისა და მაუწყებლობის სექტორების რეგულირებას საქართველოში. სხვა საქმიანობასთან ერთად კომისიის მთავარ ფუნქციებს განეკუთვნება რადიოსიხშირული რესურსის მართვა- დაგეგმარება, განაწილება და გაცემა.

900/1800 მჰც დიაპაზონები საქართველოში განკუთვნილია და გაცემულია (GSM) მობილური მომსახურების უზრუნველსაყოფად, ხოლო 2100 მჰც დიაპაზონი განკუთვნილია (UMTS) მობილური მომსახურებისათვის. ევროპის ფარგლებში ჰარმონიზებული 800 მჰც დიაპაზონის ნაწილი (ე.წ. 850 მჰც დიაპაზონი) გაცემულია (CDMA) მობილური მომსახურებისათვის, რომელიც შეუძლებელს ხდის დაგეგმილი აუქციონის პირველ ეტაპზე ხელმისაწვდომი გახდეს 800მჰც დიაპაზონის ფარგლებში არსებული სრული სიხშირული რესურსი. 2.6 გჰც დიაპაზონი კი გაცემულია უსადენო რადიოდაშვების ქსელით (მრავალარხიანი მრავალწერტილოვანი განაწილების სისტემით) მომსახურებისთვის.

იმისათვის, რომ ქვეყანამ ხელი შეუწყოს უსადენო ფართოზოლოვანი მომსახურების განვითარებას, საქართველოს კომუნიკაციების ეროვნულმა კომისიამ უნდა უზრუნველყოს ევროკომისიის შესაბამისი გადაწყვეტილებებით განსაზღვრული დიაპაზონების განაწილება და გაცემა ელექტრონული საკომუნიკაციო მომსახურებებისათვის განკუთვნილი მიწისზედა სისტემებისათვის, ტექნოლოგიური და მომსახურების ნეიტრალიტეტის პრინციპებისა და ამავე გადაწყვეტილებებით განსაზღვრული ჰარმონიზებული ტექნიკური ნორმებისა და პირობების დაცვით.

„ელექტრონული კომუნიკაციების შესახებ“ საქართველოს კანონში შესული ცვლილებების თანახმად, კომისიამ უნდა განახორციელოს GSM/UMTS მობილური მომსახურებებისათვის გაცემული ლიცენზიების 15 წლითა და ტექნოლოგიური და მომსახურების ნეიტრალიტეტის პრინციპის შესაბამისად მოდიფიცირება, ჰარმონიზებულ დიაპაზონებში არსებული თავისუფალი რესურსის გაცემა და მოდიფიცირებული ლიცენზიებით გათვალისწინებული ამოწურვადი რესურსით სარგებლობის საფასურის განსაზღვრა.

რადიოსიხშირული დიაპაზონების ლიბერალიზაცია/ჰარმონიზაციასა და ბაზრის მონაცემებთან დაკავშირებული დამატებითი ინფორმაცია შეგიძლიათ იხილოთ კომისიის

თავი III - ტექნიკური დავალება (საკონსულტაციო მომსახურება -800/900/1800/2100/2600 მჰც დიაპაზონებში არსებული სიხშირული რესურსის შეფასება/ღირებულების განსაზღვრა)

1. ტექნიკური დავალების ზოგადი მოთხოვნები

- ლიბერალიზებულ და ჰარმონიზებულ 800/900/1800/2100/2600 მჰც დიაპაზონებში არსებული სიხშირული რესურსის შეფასება/ღირებულების განსაზღვრა დეტალურ და სრულყოფილ მეთოდოლოგიაზე დაყრდნობით, რომელიც უზრუნველყოფს მიღებული მარეგულირებელი გადაწყვეტილებების ადეკვატურ დასაბუთებას.
- ლიბერალიზებული და ჰარმონიზებული 800/900/1800/2100/2600 მჰც დიაპაზონების შედარებითი ღირებულების განმსაზღვრელი მიდგომისა და მეთოდოლოგიის შემუშავება.
- რადიოსიხშირული რესურსის საწყისი საფასურის დადგენის მიდგომებთან დაკავშირებით რეკომენდაციების შემუშავება (საბაზრო ღირებულების ამსახველი საწყისი საფასურის დადგენისა და დაანგარიშების ჩათვლით, ასევე 800 მჰც დიაპაზონში დაფარვის ვალდებულების მქონე და დაფარვის ვალდებულების გარეშე აუქციონზე გამოტანილი რადიოსიხშირული რესურსის საწყისი საფასურის გაანგარიშება)
- ლიცენზიების 15 წლითა და ტექნოლოგიური და მომსახურების ნეიტრალიტეტის პრინციპის შესაბამისად მოდიფიცირებისათვის რადიოსიხშირული რესურსის საბაზრო ღირებულების ამსახველი საფასურის დადგენასთან დაკავშირებით რეკომენდაციების შემუშავება და ღირებულების დაანგარიშება.

2. ტექნიკური დავალების სპეციფიკური მოთხოვნები

შესრულებული დავალება უნდა მოიცავდეს, მაგრამ არ უნდა შეიზღუდოს შემდეგი საკითხებით:

- შესაბამისი დიაპაზონების ფარგლებში არსებული რადიოსიხშირული რესურსის შეფასება უნდა განხორციელდეს ბენჩმარკინგისა და ბიზნეს მოდელირების კომბინირებული მეთოდოლოგიებით;
- რადიოსიხშირული რესურსის შეფასებისათვის/ფასის დადგენისათვის გამოყენებული მიდგომები/მეთოდოლოგიები უნდა იყოს დეტალური და სრულყოფილი, სადაც გათვალისწინებული იქნება საქართველოს დემოგრაფიული და ეკონომიკური მონაცემები, ისევე როგორც ლიცენზიების 15 წლიანი ვადა;

- ბენჩმარკინგის მეთოდოლოგიით რადიოსიხშირული რესურსის ღირებულების შეფასებისას ყურადღება უნდა მიექცეს მაგალითების შერჩევას, რათა არ მოხდეს ლიბერალიზებული დიაპაზონების ღირებულების არასწორედ შეფასება;
- ბიზნეს მოდელირების მეთოდოლოგია უნდა ემყარებოდეს საქართველოს ბაზრისათვის დამახასიათებელ მონაცემებს, პარამეტრებს და უნდა ითვალისწინებდეს შესაბამისი დიაპაზონის ტექნიკურ და კომერციულ ღირებულებას;
- დიაპაზონების შედარებითი ღირებულების გაანგარიშებისათვის შემუშავებული მოდელი უნდა ემყარებოდეს ცვლად პარამეტრებს, რომლის ფარგლებშიც შესაძლებელი უნდა იყოს შემადგენელი პარამეტრების მაჩვენებლების ცვლილება, რათა განხორციელდეს სენსიტიურობისა და სხვადასხვა სცენარების ანალიზი.

3. ტექნიკური დავალების შედეგები

ტენდერში გამარჯვებული ვალეულობა წარმოადგინოს საბოლოო ანგარიში, სადაც დეტალურად იქნება ასახული ჩატარებული სამუშაოს საბოლოო შედეგები, დასკვნები და მათი დასაბუთება

საბოლოო ანგარიში უნდა მოიცავდეს, თუმცა არ უნდა შემოიფარგლოს შემდეგით:

- ბიზნეს მოდელირებისა და ბენჩმარკინგის მეთოდოლოგიით განხორციელებული 800/900/1800/2100/2600 მჰც დიაპაზონების ფარგლებში არსებული სიხშირული რესურსის შეფასების შედეგების წარმოდგენა, შეფასების მეთოდოლოგიების ფარგლებში გამოყენებული დაშვებებისა და მონაცემების (მათი წყაროების მითითებით) დასაბუთებასთან ერთად;
- 800/900/1800/2100/2600 მჰც დიაპაზონების შედარებითი ღირებულებების შეფასებისათვის შემუშავებული მოდელისა და მისი შედეგების წარმოდგენა, შესაბამის დასაბუთებასთან ერთად.
- 800/900/1800/2100/2600 მჰც დიაპაზონების ფარგლებში არსებული სიხშირული რესურსის შეფასების საბოლოო შედეგების წარმოდგენა (თითოეულ სიხშირულ დიაპაზონში 1 მჰც რესურსის ფასის განსაზღვრის ჩათვლით) და მიღებულ შედეგებზე დაყრდნობით:

ა) ლიცენზიების მოდიფიცირებისათვის/ვადის გაგრძელებისათვის საბაზრო ღირებულების ამსახველი საფასურის დადგენის თაობაზე საბოლოო რეკომენდაციების წარმოდგენა და შესაბამის სიხშირულ დიაპაზონში ლიცენზიების მოდიფიცირებისათვის/ვადის გაგრძელებისათვის გადასახდელი 1 მჰც რადიოსიხშირული რესურსის საფასურის განსაზღვრა, (შენიშვნა: საბოლოო შედეგის სახით უნდა განისაზღვროს კონკრეტულ დიაპაზონში 1 მჰც რადიოსიხშირული რესურსის საფასური. დაუშვებელია ერთიდაიგივე სიხშირულ დიაპაზონში სხვადასხვა რაოდენობის ბლოკების სიხშირული რესურსისათვის 1მჰც რადიოსიხშირული რესურსის სხვადასხვა საფასურის განსაზღვრა);

ბ) 800/900/1800/2100/2600 მჰც სიხშირულ დიაპაზონებში საწყისი საფასურის დადგენასთან დაკავშირებით საბოლოო რეკომენდაციების წარმოდგენა(საბაზრო

ღირებულების ამსახველი საწყისი საფასურის დადგენისა და დაანგარიშების ჩათვლით, ასევე 800 მკვ დიაპაზონში დაფარვის ვალდებულების მქონე და დაფარვის ვალდებულების გარეშე აუქციონზე გამოტანილი რადიოსიხშირული რესურსის საწყისი საფასურის გაანგარიშება).

4. პროექტის ვადები

პროექტის ხანგრძლივობა განისაზღვრა 5 კვირის ვადით. საბოლოო შედეგების წარდგენა/გადაცემა უნდა განხორციელდეს ხელშეკრულების ხემოწერიდან არა უგვიანეს მე-5 კვირის ბოლოს.

5. მომსახურების გაწევის ადგილი

ა) მომსახურების გაწევის ადგილი შესაძლებელია იყოს ტენდერში გამარჯვებული კომპანიის ტერიტორია/ოფისი;
ბ) ტენდერში გამარჯვებული ვალდებული იქნება მუდმივად იმუშაოს კომისიის შესაბამის თანამშრომლებთან ელ-ფოსტისა და საკონფერენციო ზარების მეშვეობით;
გ) პროექტის განმავლობაში უნდა ჩატარდეს მინიმუმ სამი ერთობლივი (პირისპირ) შეხვედრა კომისიის თანამშრომლებთან ერთად, კომისიის ოფისში;

- მოსამზადებელი შეხვედრა (პროექტის საწყის ეტაპზე) - რომლის ფარგლებშიც განხორციელდება კომისიის შესაბამის თანამშრომლებთან ერთად იმ ძირითად პარამეტრებსა და დაშვებებზე შეთანხმება, რომელიც გამოყენებულ იქნება ბიზნეს მოდელირებასა და ბენჩმარკინგში;
- შუალედური შეხვედრა (პროექტის მიმდინარეობის შუალედურ ეტაპზე) - რომლის ფარგლებშიც განხორციელდება შესრულებული სამუშაოს წინაწარი შედეგების განხილვა კომისიის შესაბამის თანამშრომლებთან ერთად;
- საბოლოო შეხვედრა (პროექტის დასრულების ეტაპზე) - შეხვედრა კომისიის თანამშრომლებთან და ბაზრის მონაწილეებთან საბოლოო შედეგების წარდგენის მიზნით.

დ) შეხვედრების დაზუსტებული განრიგი შეთანხმდება ტენდერში გამარჯვებულთან

6. ინფორმაციის მიწოდება და კონფიდენციალურობა

ა) კომისიამ, ტენდერში გამარჯვებულ პირს, უნდა მიაწოდოს საქართველოს ბაზრის შესახებ ინფორმაცია (მათ შორის ინფორმაცია ოპერატორების ტრაფიკების შესახებ, შემოსავლების შესახებ და ა.შ.);
ბ) ტენდერში გამარჯვებული ვალდებულია, ხელი მოაწეროს ხელშეკრულებას კონფიდენციალურობის შესახებ;
გ) კომისიისაგან მიღებული ინფორმაციის კონფიდენციალურობა დაცული უნდა იყოს ნებისმიერ დროს (მუდმივად);

დ) მოცემული ტენდერის ფარგლებში ტენდერში გამარჯვებული კომპანიის მიერ შექმნილი ყველა დოკუმენტი წარმოადგენს კომისიის საკუთრებას.

7. სატენდერო ფასი, შეთავაზება

ტენდერში მონაწილის მიერ შეთავაზებული ფასი უნდა მოიცავდეს პროექტთან დაკავშირებულ ყველა ხარჯს, მათ შორის, კომისიისათვის ანგარიშების წარდგენისა და მგზავრობისათვის საჭირო ხარჯებს.

თავი IV- ელექტრონულ ტენდერში მონაწილისადმი წაყენებული მინიმალური მოთხოვნები

1. საკვალიფიკაციო მოთხოვნები

პრეტენდენტს სავალდებულოა გააჩნდეს გამოცდილება ევროკომისიის გადაწყვეტილებების შესაბამისად ლიბერალიზებული რადიოსიხშირული დიაპაზონების შეფასების/ღირებულების განსაზღვრის კუთხით. კერძოდ პრეტენდენტს უნდა გააჩნდეს :

- ელექტრონული კომუნიკაციების სექტორში, ოპერატორებისათვის და მარეგულირებელი ორგანოებისათვის მინიმუმ 10 წლიანი საკონსულტაციო მომსახურების მიწოდების გამოცდილება, როგორც ევროპის მასშტაბით ასევე, საერთაშორისო დონეზე.
- სხვადასხვა დიაპაზონების ფარგლებში არსებული რესურსის შეფასების პრაქტიკური გამოცდილება - ბენჩმარკინგისა და ბიზნეს მოდელირების მეთოდოლოგიებზე დაფუძნებით მარეგულირებლებისათვის გაწეული მომსახურება, აქედან ერთ-ერთი მომსახურება გაწეული უნდა იყოს ევროკავშირის წევრი ქვეყანის მარეგულირებლისათვის.

2. ექსპერტები

ა) პრეტენდენტის მიერ წარმოდგენილ ექსპერტთა ჯგუფს შესაბამისი გამოცდილება უნდა გააჩნდეს რადიოსიხშირული დიაპაზონების შეფასების მეთოდოლოგიების (ბენჩმარკინგისა და ბიზნეს მოდელირების ჩათვლით) შემუშავებაში, შეფასების პროექტების (შესყიდვა/გაყიდვის მხარე) განხორციელებაში; ასევე – სხვადასხვა სიხშირულ ზოლებში მომავალი თაობის მობილური ქსელების/მომსახურებების დანერგვის ტექნიკური და ეკონომიკური/კომერციული მხარეების შეფასებაში;

ბ) წარმოდგენილი ექსპერტთა ჯგუფი უნდა მოიცავდეს (მაგრამ არ უნდა შეიზღუდოს) ტექნიკური/რადიო დაშვებისა და რადიოსიხშირული რესურსის ღირებულების შეფასების საკითხებში ექსპერტებს, რომლებსაც ელექტრონული კომუნიკაციების სფეროში გააჩნიათ არანაკლებ 5-წლიანი გამოცდილება და ბოლო 3 წლის განმავლობაში რადიოსიხშირული რესურსის ღირებულების შეფასების მომსახურების უზრუნველყოფის გამოცდილება.

3. ელექტრონულ ტენდერში მონაწილის მიერ წარმოსადგენი ტექნიკური დოკუმენტაცია

ელექტრონულ ტენდერში მონაწილე პრეტენდენტი ვალდებულია წარმოადგინოს ხელმოწერილი სატენდერო წინადადების ტექნიკური დოკუმენტაცია ქართულ ენაზე, (ტექნიკური დოკუმენტაციის უცხო ენაზე წარმოდგენის შემთხვევაში თან უნდა დაერთოს ნოტარიულად დამოწმებული ქართული თარგმანი) რომელიც უნდა მოიცავდეს შემდეგ მონაცემებს:

- ა) პრეტენდენტის საიდენტიფიკაციო და საბანკო რეკვიზიტებს.
- ბ) ჩასატარებელი კვლევისადმი პრეტენდენტის მიდგომას, რომელიც ასახავს ტენდერის მონაწილის ხედვას განსახორციელებელი სამუშაოსადმი;
- გ) მეთოდოლოგიისა და მიდგომების დეტალურ აღწერას, რომელიც გამოყენებული იქნება დავალების შესასრულებლად, ასევე განსახორციელებელი სამუშაოს გეგმას;
- დ) პრეტენდენტის მიერ შესრულებული მსგავსი სამუშაოების შესახებ ინფორმაციას, მათ შორის შესრულებული სამუშაოს ნიმუშებს, რომელთა მოწოდებაც შესაძლებელია;
- ე) იმ პირების ჩამონათვალს (მენეჯერების ჩათვლით), რომლებიც მონაწილეობას მიიღებენ ტენდერით განსაზღვრული სამუშაოს შესრულებაში და მათი ფუნქციების და ვალდებულებების დეტალურ აღწერას. შემოთავაზებული ექსპერტების მიმდინარე ბიოგრაფიებს (CV), სადაც დეტალურად იქნება აღწერილი მათ მიერ შესრულებული მსგავსი სამუშაოები და მათი ფუნქციები, ასევე, მათ მიერ მოცემული სამუშაოს შესრულებისათვის საჭირო კვალიფიკაციის და გამოცდილების დამადასტურებელი ინფორმაცია;

შენიშვნა: კომისია იტოვებს უფლებას გადაამოწმოს პრეტენდენტ(ებ)ის მიერ ტექნიკური დოკუმენტაციით წარმოდგენილი ინფორმაციის ნამდვილობა ან მოითხოვოს დამატებითი ინფორმაცია.

**სახელმწიფო შესყიდვების შესახებ ხელშეკრულების პროექტი
ხელშეკრულება N**

ქ. თბილისი

წელი

ერთის მხრივ, სსიპ „საქართველოს კომუნიკაციების ეროვნული კომისია“ (შემდგომში „შემსყიდველი“) წარმოდგენილი მისი თავმჯდომარის ვახტანგ აბაშიძის სახით, და მეორეს მხრივ, ----- (შემდგომში „მიმწოდებელი“), წარმოდგენილი მისი -----სახით, „სახელმწიფო შესყიდვების შესახებ საქართველოს“ კანონისა და ელექტრონული ტენდერის ჩატარების შედეგად, დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - „სახელმწიფო შესყიდვების შესახებ“ საქართველოს კანონის საფუძველზე შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვის ობიექტის შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიმწოდებელი“ - პირი, რომელიც შემსყიდველს აწვდის შესყიდვის ობიექტს სახელმწიფო შესყიდვის შესახებ ხელშეკრულების შესაბამისად.
- 1.6. „შესყიდვის ობიექტი“ - ხელშეკრულების მე-2 მუხლით გათვალისწინებული მომსახურება.
- 1.7. „ტექნიკური დავალება“ - სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. საკონსულტაციო მომსახურება- 800/900/1800/2100/2600 მკვ დიაპაზონებში არსებული სიხშირული რესურსის შეფასება/ღირებულების განსაზღვრა
- 2.2. ხელშეკრულებით გათვალისწინებული მომსახურების აღწერა მოცემულია:

3. ხელშეკრულების ღირებულება

3.1. ხელშეკრულების ჯამური ღირებულება შეადგენს -----

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების შესრულებასთან დაკავშირებულ ყველა ხარჯს და საქართველოს კანონმდებლობით გათვალისწინებულ ყველა ხარჯს. 3.3. ხელშეკრულებით გათვალისწინებული ანგარიშსწორება ხორციელდება შემსყიდველის საკუთარი სახსრებით. ხელშეკრულების ჯამურ ღირებულებაში გათვალისწინებულია გამარჯვებული პრეტენდენტის მიერ წარმოდგენილი სატენდერო წინადადების ფასი და ამ ფასს დამატებული საქართველოს კანონმდებლობით გათვალისწინებული გადასახადები, რომლის გადახდასაც უზრუნველყოფს შემსყიდველი;

4. ანგარიშსწორების ფორმა და ვადები

4.1. შემსყიდველი მიმწოდებელთან ანგარიშსწორებას ახორციელებს უნაღდო ანგარიშსწორების ფორმით -----

4.2. მიმწოდებელთან ანგარიშსწორება იწარმოებს გაწეული მომსახურების მიღების თაობაზე მიღება-ჩაბარების აქტის შემსყიდველის მხრიდან ხელმოწერიდან და შესაბამისი ანგარიშ-ფაქტურის წარდგენიდან 15 (თხუთმეტი) სამუშაო დღის ვადაში.

5. მიღება-ჩაბარების წესი

5.1. მომსახურების სრულად განხორციელების შემდეგ მიმწოდებელი შემსყიდველს წარუდგენს მიღება-ჩაბარების აქტს.

5.2. მომსახურების გაწევა დასრულებულად ჩაითვლება მიღება-ჩაბარების აქტის ხელმოწერის დღიდან.

5.3. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირი შემსყიდველის მიერ განსაზღვრულ იქნება ხელშეკრულების დადების მომენტისათვის.

6. მომსახურების გაწევის ადგილი და ვადა

6.1. -----

6.2. მომსახურების გაწევა უნდა დასრულდეს ხელშეკრულების გაფორმებიდან არაუმეტეს

7. მხარეთა უფლება-მოვალეობანი

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) მომსახურების გაწევის დარსულებამდე გამოითხოვოს მიმწოდებლისაგან მისთვის საჭირო დოკუმენტაცია.

7.2. შემსყიდველი ვალდებულია:

ა) უზრუნველყოს მიმწოდებლის მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

7.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) გასწიოს მომსახურება სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულების - პუნქტში;

ბ) უზრუნველყოს მომსახურების გაწევა ტექნიკური დავალების შესაბამისად;

გ) უზრუნველყოს შემსყიდველის მიერ მისთვის გადაცემული დოკუმენტაციის კონფიდენციალურობის დაცვა;

დ) შემსყიდველს საკუთრებაში გადასცეს შესრულებული სამუშაოს ელექტრონული ვარიანტი.

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ ხელშეკრულების დადების მომენტისათვის შესაბამისად განსაზღვრული პირი.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხორციელდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს -----

შემსყიდველი:

მიმწოდებელი:
